

汀州府志卷之三十四

隱逸

遡自秦漢以還四皓七賢三高六逸尚已他若  
桃源逋叟梅市仙人或嘯蘇門或漁剡水雖輕  
世而肆志實抱樸而全貞汀山奇水秀其為鴻  
冥豹隱者代不乏人然處士上應少微非其人  
不輕予故自徐唐以下寥寥數子非謂支道林  
不必買山恐來戴安道求死不得之誚爾

宋

汀州府志

卷之三十四

隱逸

一

徐

唐

字守中寧化人博通六經歐陽修勉就科  
舉不聽薦於朝召見講易上嘉賞賜絹後  
以母喪歸結廬墓側不  
復出王安石銘其母墓

鄧

旦

字日昇連城人博極羣書四舉於禮部不  
得志即無復仕進意築居石門巖老焉  
字南仲長汀人貢入辟雍旋歸築室城南  
五星巖郡守謝炯時訪造焉題其巖曰宣

宣

明

巖

鄧

春卿

字榮伯長汀人澹泊恬退崇寧間兩膺徵  
辟俱不就郡守章清造廬勸駕春卿辭謝  
以詩年九  
十六卒

元

沈得衛

字輔之連城人善歌詩陳有定招寘賓幕  
欲任以官辭弗受歸不復出洪武初郡守



某辟為訓導著  
有東崖樵唱集

明

伍 禮 字宗明清流舉人值會試屆期父送之曰  
汝行勉力吾老矣恐無復相見禮泣曰豈

敢懷利而忘親乎試畢南歸  
力請終養父歿絕意仕進

周 寬 長汀人永樂庚子舉人情恬退不樂仕進  
以齒德重於鄉以子璇貴封兵科給事中

卒年九十餘

董 璘 長汀人永樂間貢入國子監  
不願仕旋家卒年九十六

汀州府志

卷之三十四

隱逸

二